

He taonga te tamaiti | O measina tamaiti uma

**Fuafuaga mo galuega faatino mo aoga amata
2019-2029**

Otootoga

Fuafuaga mo galuega faatino mo aoga amata 2019-2029.....	1
Upu Tomua.....	4
Te Tiriti o Waitangi	4
Vaaiga Taulai	5
Auivi mo le fuafuaga mo galuega faatino lenei	5
Eseese avanoa maua	5
Toeitiiti auai tamaiti uma i auaunaga mo aoga amata	5
Se atunuus fesuisuihai	5
Faiga mo se suiga	5
O a fuafuaga i le taimi nei?	6
Sini autu o le fuafuaga lenei	6
Sini autu 1. E maua e tamaiti ma aiga siosiomaga o loo faalauiloa ai le soifua manuia ma lagolagoina ai faasinomaga, gagana ma aganuu	6
1.1 Faaleleia le vaevaega o tagata matutua ma tamaiti e i lalo o le 3 tausaga le matutua i totolu o aoga amata o loo faafoeina lava e faiaoga.....	6
1.2 Tatau i faiaoga ona maopoopo le faatinoga o galuega i totolu o vaega ua vaevae i ai tamaiti e maua ai le lagolagosua ma faatumauina ai tausiga lelei, alafua mo aoaoga i gagana eseese, ma suiga malie mo tamaiti ma aiga	7
1.3 Saunia fautuaga mo le aofaiga e tatau ona iai se vaega, auga faavae mo aoga amata ma isi faiga lautele tau siosiomaga, ma auala e mafai ona faaleleia ai tulaga lelei i vaega nei.....	7
1.4 Faafaigofie ona maua faamatalaga e fesoasoani ai i matua ma aiga i filifiliga fai mo aoaoga ma alafua mo aoaoga e maua ai gagana eseese.	7
Sini autu 2. E mafai e tamaiti uma ona auai i aoga amata ma maua le fesoasoani o moomia e aoao ma maua ai le soifua lelei	8
2.1 Iloilo faiga sao ma le talafeagai i fesoasoani tupe mo vaega o loo moomia e mautinoa ai o loo faatino le fesoasoani pito sili ona aoga mo tamaiti pe a latou mauaina aoaoga lelei ma aoga i totolu o aoga amata ..	8
2.2 Saunia fautuaga e faafaigofie ai ona maua fesoasoani tau soifua maloloina ma agafesootai e fesoasoani ai i tamaiti ma a latou aiga e auai i aoga amata ma ia mautinoa o loo manino poo ai tonu e gafa ma le faamaopoopoina o fesoasoani tau aoaoga mo auaunaga i aoga amata taitasi.....	8
Sini autu 3. E agavaa, eseese, toe agavaa i tu ma aga eseese faiaoga ma taitai ma o loo faatauaina foi latou	8
3.1 Ia 100% le iai o faiga e uunaia ai faiaoga ua agavaa ma le 80% e faatonutonu ai faiaoga ua agavaa i totolu o aoga o loo faafoeina lava e faiaoga, ina ia taunu ai i le 100% le faatonutonuina atoa o nei faiga	8
3.2 Siitia tulaga o agavaa o faiaoga o loo taitaia aoaoga i totolu o aiga	9
3.3 Tapena se taiala e maua mai ai faiaoga mo aoaga amata ma e felatai ma le taiala aoao mo tagata faigaluega i totolu o aoga	9
3.4 Faataunuu se faiga e faaleleia ai tulaga tutusa o totogi o faiaoga ma le siosiomaga i totolu o aoga amata uma	9

3.5	Faaleleia le initial teacher education (ITE) e mautinoa ai o loo agavaa faiaoga e faatino le tuufaatasia o mataupu aoaoina ma isi tomai faapitoa.....	10
3.6	Atiae se taiala mautu toe faatumauina mo le atinaega o aoaoga faapolofesa (PLD)	10
3.7	Atiae nofoaga faapitoa mo faiga fou ma suesuega mo auaunaga i totonu o aoga amata	10
3.8	Lagolago aoga amata e auai o se paaga tutusa i soo se auaunaga ma soo se aoga amata	10
3.9	Lagolago le aufaigaluega e faaaoga le te reo Māori i auaunaga uma mo aoga amata	10
	Sini autu 4. E atiae e tamaiti tomai o loo faatauaina e aiga ma afioaga ma o loo lagolagoina a latou taumafaiga e maua ai le poto ma le talitonuga o le tamaitiiti aoga ia te ia lava	11
4.1	Faasalalau aloaia le auivi mo mataupu aoaoina, <i>Te Whāriki</i> , e lagolagoina ai le aofia o faiga faavae, vaega, sini autu ma taunuuga pe a tuufaatasia mataupu aoaoina mo aoga amata taitasi	11
4.2	Atiae faatasi auala eseese e aoga, faatuatuaina, talafeagai ma faiga ma gagana eseese e lagolagoina ai taumafaiga a le tamaitiiti ma faiga e aoao ai	11
4.3	Lagolago auaunaga ia faatino suesuega maumaututu i totonu o aoga amata e faamalosia ai le faatinoga o le <i>Te Whāriki</i> ma mautinoa o loo faaaauau faiga e faaleleia ai	11
	Sini autu 5. Ia avea aoga amata ma vaega o se faiga faavae e maopoopo ma talafeagai ma o se faiga o loo lagolagoina, faatuatuaina ma faatumauina	12
5.1	Faavae se faiga mautu e fesoottai ai vaega eseese e faamautinoa ai le maua o aoga amata e tulaga lelei ma aoga, eseese ma faatumauina	12
5.2	Saili auala e mafai ona tuuina atu ai fesoasoani i afioaga e le o lava le lagolagosua o loo latou mauaina	12
5.3	Faaavanoa se nofoaga mo aoga amata i totonu o lotoa a aoga, pe a talafeagai ai	12
5.4	Faamalosia pulega ma taitaiga mo gagana Pasifika ma isi auaunaga mo aoga amata i totonu o afioaga	12
5.5	Faavae se polokalame faatuatuaina ma faamoemoeina e mataitu ma laisene ai aoga amata	13
5.6	Faaleleia faiga manino i fesoasoani tupe mo matua, aufaigaluega o loo galue faafafiaoga ma le malo	13
5.7	Fausia faatasi ma le Playcentre Aotearoa New Zealand se faiga talafeagai mo fesoasoani tupe	13
	Faapefea ona mataitu ma suesue le agai i luma o taumafaiga?.....	14
	Toe silasila i fuafuaga mo galuega faatino	15

Upu Tomua

O loo folasia i le Child and Youth Wellbeing Strategy a le Malo se vaaiga taulai malosi "la avea Niu Sila ma nofoga pito sili ona lelei mo tamaiti ma tupulaga." O se vaaiga taulai o loo moomoo i ai ma e moomia le galulue faatasi. O se vaega taua le auai i aoga amata o loo tulaga lelei e lagolagoina ai le soifua manuia ma avanoa maua i le soifuaga o fanau laiti.

E le natia i le Malo e faamoemoe le manuia o auauaga mo aoga amata i pulega lelei, taitaiga ma aoaoga, atoa ai ma le auai o matua, aiga ma afioaga i mea fai. E faamoemoe foi le manuia i le maua e matua o avanoa e filifili ai alafua lelei ma aoga mo a latou fanau.

O Aperila 2018, na tofia ai e le Minisita o Aoga le Afioga ia Chris Hipkins, se Ministerial Advisory Group ma le Reference Group latou te tuufaatasia manatu e tusa ai ma fautuaga pito sili ona lelei mai tagata eseese e tusa ai ma le lumanai o faiga faavae mo aoga amata mo le faalauiolina o faiga ua faamanuaina ai. Na tuufaatasia e vaega nei le *He taonga te tamaiti – O measina tamaiti uma: Fuafuaga faataatia faataitai mo aoga amata 2019-29* (fuafuaga faataatia faataitai) ma na lagolagoina e le Matagaluega o Aoga.

Na amata taupulepulega mai le aso 19 Novema 2018 ma faagata i le aso 15 Mati 2019. O le vaai lautele i le mataupu, o loo talisapaia e le toatele fautuaga o loo i le fuafuaga faataatia faataitai. O le fautuaga pito sili ona faamamafa o le faaleleia o vaevaega o le tagata matua: tamaitiiti ma ia maua le 100% o faiaoga ua agavaa i totonu o aoga amata o loo faafoeina lava e faiaoga. O loo maua le aotelega o manatu sa maua mai i taupulepulega i lipoti nei e lua: *Kōrero Mātauranga: Draft early learning strategic plan submission analysis, Aperila 2019* ma le *Draft early learning strategic plan consultation: Vaega autu mo matua*.

Ua mafai ona tuufaatasia le fuafuaga aloaia lenei, *He taonga te tamaiti – O measina tamaiti uma: Fuafuaga mo galuega faatino i aoga amata 2019-2029* (fuafuaga mo galuega faatino) e tusa ai ma manatu ma finagalo e tele sa faaalia. O le otootoga lenei i le fuafuaga ua aloaia nei. E mafai ona faitau le fuafuaga atoa, e aofia ai le faatulagana o galuega faasolo, faamaumauga, faamatalaga tusitusia i le www.conversations.education.govt.nz

Te Tiriti o Waitangi

E mulimilitai le Malo i le faataunuina o tautinoga a le Crown faapei ona folasia i le Te Tiriti o Waitangi. O loo faatauaina ai aiatatau a aiga, hapū ma iwi latou te faatonu ma pulea ai le faataatiaga ma le faataunuina o faiga faavae tau aoaoga, ma amanaiaina ai faavae e aoga ma lelei mo tagata Māori. O loo folasia i le fuafuaga mo galuega faatino auala e galulue faatasi ai le Malo ma aoga amata e atiae agavaa o taitai ma faiaoga i faiga eseese i auauaga mo aoga amata.

I le taimi na aloaia ai le faasalalauina o le fuafuaga mo galuega faatino lenei, sa galulue le Crown ma le Te Kōhanga Reo National Trust (TKRNT) e atiae faatasi se faiga faavae e faatumauina toe faatuatuaina mo fesoasoani tupe e faatatau i faaiuga a le Waitangi Tribunal e tusa ai ma talosaga a le Trust. O se punaoa taua le Kōhanga reo mo le toe faaolaola o le te reo ma tikanga Māori i augatupulaga amata mai i fanau laiti ma a latou aiga.

Vaaiga Taulai

O loo mafai e faiga faavae i aoga amata i totonu o Niu Sila ona uunaia tamaiti uma ia maua se olaga lelei, aoao ma olaola lelei i totonu o nofoaga e tulaga mauluga le lelei o loo lagolagoina ai lo latou faasinomaga, gagana ma aganuu, ma o loo faatauaina e matua ma aiga.

E mafai e auaunaga mo aoga amata e tulaga mauluga le lelei ona uunaia tamaiti ia maua se olaga lelei, aoao ma olaola lelei, ma e aoga tele i le lagolagoina o faiga 'sao ma talafeagai mai lava i le amataga.' E iai foi lo latou pitolau taua e lagolagoina ai matua ma aiga o i latou o faiaoga muamua i le olaga o tamaiti.

Auivi mo le fuafuaga mo galuega faatino lenei

Eseese avanoa maua

O auaunaga mo aoga amata i totonu o Niu Sila e aofia ai auaunaga mo aoaoga ma le tausiga.¹ aoga amata, nga kōhangā reo, playcentres, aoga amata o loo faatino i fale o aiga, auaunaga o loo faatino i falemai ma playgroups. E eseese faiga o loo umia ma pulea ai nei auaunaga ma e eseese tomai, gagana ma faiga o loo faagaioi ai. E faataua avanoa eseese i totonu o Niu Sila aua e maua ai e matua ma aiga avanoa e fai ai la latou filifiliga.

Toeitiiti auai tamaiti uma i auaunaga mo aoga amata

Faatusa lea i le fia sefulu o tausaga faatoa mavae atu nei, e toatele tamaiti o loo auai mai lona laitiiti ma e umi foi itula o loo aooga ai. E ui lava e le o faamalosia, toeitiiti maua uma tamaiti i le 3 ma le 4 tausaga le matutua i totonu o aoga amata, ma o loo faatupulaia le numera o i latou o loo auai i auaunaga mo aoaoga ma tausiga. Peitai, o loo foliga mai i faamaumauga a le Matagaluega e le o tele itula i le vaiaso e auai ai tamaiti mai nofoaga e maulalo tamaoaiga o loo maua ai faatusa i le faitau aofai aoao o tagata i totonu o le atunu.

Se atunuu fesuisuiāi

O suiga i le lalolagi e pei o le faatupulaia o feoaiga, nofoia e tagata o nofoaga ese, ma suiga i faiga e mafai ai ona auai i fefaaatauaiga o loo tele ina afaina ai Niu Sila faapei ona maitauina i isi atunu. E iai le manatu mauluga i suiga e faatino ai fesootaiga ma aiga ma fausia ai mataupu aoaoina mo aoga amata taitasi ona o le eseese o tagata o loo aumau i totonu o Niu Sila ma e sili atu ona faatauaina faiga eseese i le taimi nei faatusa i vaitaimi ua tuanai.

E ui lava o loo i se tulaga mauoa Niu Sila faatusa i isi atunu, o nisi tamaiti e o mai aiga matitiva, e le mautu ma lelei fale o loo nonofo ai poo le ola i aiga o loo feagai ma faaletonu ogaoga i tulaga tau agafesootai ma le soifua maloloina. Ua faatupulaia le masani ai ona maua tamaiti i faaletonu o le mafaufau ma faaletonu i le tuputupu ae o le tino ma le mafaufau.

Faiga mo se suiga

O loo maitauina pea e le Education Review Office (ERO) le eseese o faiga o loo faatino ai galuega. E tatau i faiga faavae mo aoga amata ona saunia faiga e maua ai tulaga lelei tele ma saunia avanoa eseese o loo faatauaina e matua ma aiga, mo le manuia o tamaiti uma. E ui lava o loo faatupulaia le numera o auaunaga mo aoga amata,

¹ E mafai e auaunaga mo aoaoga ma tausiga ona faatautaia i lalo o se igoa ese faapei o le crèche, preschool ma le childcare centre, ma e aofia ai auaunaga e iloga ai tomai e le masani ai faapei o le Montessori ma le Steiner.

ae o loo iai nisi nofoaga o loo iloga ai le utiuti o avanoa maua i auaunaga o loo faataua e matua ma aiga, e aofia ai alafua i gagana eseese mo tagata Māori ma le Pasifika. O loo iai foi atugaluga i le tele naua o nisi o ituaiga auaunaga o loo maua.

E moomia suiga i taiala ma faiga i faiga faavae mo aoga amata uma e sii ai tulaga lelei, faaleleia ai faiga sao ma le talafeagai ma maua avanoa e filifili ai, e ausia ai le vaiga taulai o loo folasia i le fuafuaga mo galuega faatino lenei.

O a fuafuaga i le taimi nei?

E faatulaga le faagasologa o le faatinoga o galuelga mo le fuafuaga lenei mo le 10 tausaga o loma nei. E fuafua le faataunuina o le fuafuaga i le maliega a le Kapaneta i galuega faatino taitasi ma le faagasologa o le Tala o Tupe i le lumanai.

O nisi o galuega faatino e ono moomia ai suiga i se tasi poo nisi o vaega tau tulafono o loo faatonuina ai auaunaga mo aoga amata. O galuega faatino o loo folasia i totonu o le fuafuaga lenei o loo moomia ai suiga tau tulafono, ma e tatau ona malamalama ua na o ni faamatalaga i fuafuaga faataatia, a o faatino taupulepulega faitele e tatau ona faia e tusa ai ma le faagasologa o suiga tau tulafono.

Sini autu o le fuafuaga lenei

O loo faatatau le fuafuaga lenei i sini autu e lima ma e aofia ai galuega faatino e 25 o loo faia faatasi e ausia ai suiga i faiga faavae. E ogatasi sini autu nei ma sini autu a le Malo mo le isi 10 tausaga o loo fuafua mo faiga faavae i aoaoga uma.

Sini autu 1. E maua e tamaiti ma aiga siosiomaga o loo faalauiloa ai le soifua manuia ma lagolagoina ai faasinomaga, gagana ma aganuu

1.1 Faaleleia le vaevaega o tagata matutua ma tamaiti e i lalo o le 3 tausaga le matutua i totonu o aoga amata o loo faafoeina lava e faiaoga.

E fesoasoani le maualuga o le vaevaega o le tagata matua: tamaitiiti e lelei ai fesootaiga a tagata matutua ma pepe ma fanau laiti. E le o iai i se tulaga lelei le vaevaega maualalo o le tagata matua: tamaitiiti mo tamaiti e i lalo o le 3 tausaga le matutua pe a fua i fautuaga ua faamaonia ma vaevaega faapei ona faia i isi atunu o le OECD.

O le a faavaeina se vaevaega fou mo le tagata matua: tamaitiiti mo aoga amata mo le taimi atoa o le fuafuaga lenei. E tumau ai pea mo se taimi umi moomooga e vaevae ai tamaiti e i lalo o le 2 tausaga le matutua i le 1:3.

Tausaga	Lalo o le 2 tausaga le matua	2 tausaga le matua
Vaevaega tuai	1:5	1:10
Vaevaega fou	1:4	1:5

Talu ai e faalagolago le faaleleia o vaevaega o le tagata matua:tamaitiiti ma le siitia o le numera o faiaoga e agavaa i nisi o auaunaga (galuega faatino 3.1), ma faiga e uunaia ma tamau ai i faiaoga e agavaa (galuega faatino 3.3 ma le 3.4), o le faasologa lea o suiga o le a faia:

- » O le a maua e aoga amata o loo faafoeina lava e faiaoga² ma o loo iai le vaevaega o le tagata matua:tamaitiiti i le 1:4 mo tamaiti e i lalo o le 2 tausaga ma/poo le 1:5 mo tamaiti ua 2 tausaga le matutua, faatulagana mauluga mo fesoasoani tuge, i se taimi i tua atu.
- » O le a suia le vaevaega o le tagata matua:tamaitiiti i le 1:4 mo tamaiti e i lalo o le 2 tausaga le matutua ma faasolo atu ai i le 1:5 mo tamaiti ua 2 tausaga le matutua i aoga amata o loo faafoeina lava e faiaoga, i se taimi i tua atu ma se taimi mamao. A faataanuu loa suiga nei, ona sii lea o fesoasoani tuge e fetaui ma le mauluga o tuge faaalu e faatino ai vaevaega ua faatonutonuina ai.

O le a lagolagoina foi e le Matagaluega auaunaga i fautuaga e mafai ai ona faatino vaevaega fou ma faatulaga ai tamaiti i tausaga.

1.2 *Tatau i faiaoga ona maopoopo le faatinoga o galuega i totolu o vaega ua vaevae i ai tamaiti e maua ai le lagolagosua ma faatumauina ai tausiga lelei, alafua mo aoaoga i gagana eseese, ma suiga malie mo tamaiti ma aiga.*

O loo faamauina i duesuega e moomia e tamaiti fesootaiga ma tagata matutua e mautu, faatuatuaina ma mataala.

O loo faamoemoe le Matagaluega e iloilo faatulagana mo laisene e faamalosia ai faalapotopotoga e atiae taiala e limataitaiina ai tiutefai a faiaoga mo tamaiti ina ia ausia manaoga o le tamaitiiti i totolu o vaega taitasi.³ E mafai e taiala nei ona faailoa le aoga o le vaevaega o tagata matutua e maua ai tausiga mautu ma le faatuatuaina atoa ma suiga lelei mo tamaiti.

1.3 *Saunia fautuaga mo le aofaiga e tatau ona iai se vaega, auga faavae mo aoga amata ma isi faiga lautele tau siosiomaga, ma auala e mafai ona faaleleia ai tulaga lelei i vaega nei.*

E fesootai vaega toalaiti ma tulaga sili ona lelei i aoga amata, aemaise i fanau laiti ma i latou o loo nonofo i aiga o loo tele faaletonu e ono afaina ai. E le gata foi i lea, e mafai e tamaiti ona iloa le taua o mea faalenatura i le soifua manua ma aoaoga pe a lelei ma lautele le siosiomaga o loo aoao ai.

O loo iai se manatu ia saunia fautuaga e uiga i le fesootaiga o le toatele o se vaega ma faiga lautele tau siosiomaga, ma auala e mafai ona faaleleia ai tulaga lelei i vaega nei. O le a faia feutagaiga a le Matagaluega ma aoga amata pe a talosagaina ni suiga i tulafono, e aofia ai aafiaga i le faagaloiga ma le faatupega o aoga amata.

1.4 *Faafaigofie ona maua faamatalaga e fesoasoani ai i matua ma aiga i filifiliga fai mo aoaoga ma alafua mo aoaoga e maua ai gagana eseese.*

O le a faatalanoa e le Matagaluega matua, aiga ma afioaga, faiga e iloa ai faamatalaga o loo misi ma auala e faigofie ma talafeagai e tuuina atu ai faamatalaga. O le a taulai le fuafuaga lenei e faamautinoa o loo maua e matua uma faamatalaga ma le fesoasoani o loo moomia e filifili ai se aoga amata mo le fanau ma malamalamai i le taatiaga o faiga faavae.

² E faatatau le galuega faatino lea i auaunaga e patino lava i aoga amata ma e le faatatau i auaunaga o loo faatino i totolu o falemai poo fale o aiga.

³ E manino lava le ese ai o faiga o loo faafoe ai auaunaga i totolu o falemai mai isi auaunaga mo aoga amata ma o lea eseesegea e moomia le faia i ai o fuafuaga e talafeagai tonu ma i latou a o faasolo iloiloga o loo faatulaga ai laisene.

O faamatalaga mai isi auaunaga e felatai (galuega faatino 5.1) ma le tuuina atu o fesoasoani atoatoa tau agafesootai (galuega faatino 2.1 ma le 2.2) e fesoasoani lea i matua e saili avanoa mo aoaoga. E faaauau pea ona mafai ona faafesootai ofisa faaitumalo a le Matagaluega mo faamatalaga mo matua o loo mananao e talanoa faafesagai poo luga o le telefoni.

Sini autu 2. E mafai e tamaiti uma ona auai i aoga amata ma maua le fesoasoani o moomia e aoao ma maua ai le soifua lelei

O loo lagolagoina le fuafuaga lenei e le Learning Support Action Plan 2019-2025 (LSAP). O loo folasia i le LSAP galuega faatino e mafai ona ausia ai faiga faavae e iloa ai faiga e lagolagoina ai taumafaiga i aoaoga a tamaiti, e aofia ai siaki masani tau soifua maloloina a le Ministry of Health mo tamaiti ua 3 tausaga le matutua. E aofia ai foi galuega faatino e faamalosia ai faiga e faaititia ai le umi o le lisi faatalitali ma ia mafai e aiga ona maua le fesoasoani i le taimi ua moomia ai.

O le a mafai e le taiala a le Malo [Child and Youth Wellbeing Strategy](#) ona uunaia le tele o faalapotopotoga e faatino faiga e mafai ai ona ausia faiga sao ma le talafeagai mai i le amataga ma o le a galulue faatasi le Matagaluega ma aoga amata ma isi faalapotopotoga e faataunu le taiala lea.

2.1 Iloilo faiga sao ma le talafeagai i fesoasoani tupe mo vaega o loo moomia e mautinoai o loo faatino le fesoasoani pito sili ona aoga mo tamaiti pe a latou mauaina aoaoga lelei ma aoga i totonu o aoga amata

O loo tuuina mai e le Malo i le taimi nei fesoasoani tupe e sao ma talafeagai ma fesoasoani tupe e patino lava mo i latou e limavaivai e fesoasoani ai i tamaiti ia auai i aoga e tulaga maualuga le lelei ma maua fesoasoani i taumafaiga pe a moomia. E toe iloilo e le Matagaluega lea faiga e faamautinoai o loo pito sili ona faaaoga i faiga e maua ai e tamaiti avanoa e aooga ai i aoga amata e tulaga maualuga le lelei ma e felatai ma nisi o galuega faatino o loo i le LSAP.

2.2 Saunia fautuaga e faafaigofie ai ona maua fesoasoani tau soifua maloloina ma agafesootai e fesoasoani ai i tamaiti ma a latou aiga e auai i aoga amata ma ia mautinoai o loo manino poo ai tonu e gafa ma le faamaoopooina o fesoasoani tau aoaoga mo auaunaga i aoga amata taitasi

O le a lagolagoina e le Matagaluega taiala ma polokalame e afua mai i le [Child and Youth Wellbeing Strategy](#) ma fesoasoani i le faatinoga o faiga mai le tele o faalapotopotoga i mataupu tau soifua maloloina, o fesoasoani lautele o loo misi, ma faaletonu e ono afaina ai taumafaiga a tamaiti i totonu o aoga amata.

O nisi o auaunaga mo aoga amata ua amata ona faatino fesoasoani atoatoa tau agafesootai mai le tele o isi auaunaga, mo se faataitaiga, asiasiga mai tausimai i falemai tele ma speech language therapists. O le a uunaia e le Matagaluega le faasoaina o faataitaiga mai faiga lelei i auaunaga, faalapotopotoga ma afioaga, e aofia ai ma vaega faaitumalo. E le gata i lea, o le galulue foi le Matagaluega ma aoga amata e faamautinoai tagata tonu e gafa ma le faamaoopooina o fesoasoani tau aoaoga mo auaunaga i aoga amata taitasi.

O le a taumafai foi le Matagaluega i auala e sii ai le numera o tomai o tagata faigaluega ma tomai faapitoa i faiva eseese e iloa vave ma faatino ai fesoasoani e lagolago ai taumafaiga i aoaoga ma o se vaega o le faatinoga o le [LSAP](#).

Sini autu 3. E agavaa, eseese, toe agavaa i tu ma aga eseese faiaoga ma taitai ma o loo faatauaina foi latou

3.1 Ia 100% le iai o faiga e uunaia ai faiaoga ua agavaa ma le 80% e faatonutonu ai faiaoga ua agavaa i totonu o aoga o loo faafoeina lava e faiaoga, ina ia taunu ai i le 100% le faatonutonuina atoa o nei faiga

E aoga faailoga faafaiaoga e mafai ai ona tino mai faiga lelei ma aoga, mo se faataitaiga, e uunaia ai fesootaiga sili ona lelei ma aoga ma tamaiti.

O le a sii e le Malo le numera o faiaoga e agavaa i totonu o aoga amata o loo faafoeina lava e faiaoga, ma auaunaga o loo patino lava i aoga amata.⁴ E fai vaega le faasologa o le faatinoga o lea suiga, amata mai i fesoasoani tupe e ausia le 100 pasene o faiaoga e agavaa.

O le a galulue le Matagaluega faatasi ma aoga amata e malamalama i sailiga ma manaoga mo faiaoga ma auala e uunaia ai le faia o le initial teacher education (ITE) e sii ai le numera o faiaoga e agavaa. Auala e lagolagoina ai lea faiga e aofia ai itu nei:

- » O le a sii le faatulagana o fesoasoani tupe mo auaunaga o loo faafoeina lava e faiaoga, ma auaunaga e patino lava i aoga amata o loo maua ai le 100% o faiaoga e agavaa, i se taimi lata mai.
- » O le a iai se tulafono e sui ai i le 80% o le aufaigaluega e galulue faafafaoga i auaunaga uma o loo faafoeina lava e faiaoga e agavaa, ma e tatau ona iai se faiaoga e toatas i agavaa na te vaaia se vaega, mo tamaiti o loo faavasega i nofoaga eseese.

O le a patino lava le taulai o galuega i aafiaga o alafua i gagana eseese, e aofia ai le gafataulimaina ona tamau auaunaga i tagata e pito i agavaa i le gagana tautala, i le faataunuina ai o suiga tau tulafono ma fesoasoani tupe e uunaia ai faiaoga. O le a aofia i le education workforce strategy (EWS) faiga e faatuputeleina ai tu ma aga eseese ma itupa eseese ma faaitiitia faiga o loo punitia ai le avea o tagata e iai manaoga faapitoa ma faiaoga.

3.2 Siitia tulaga o agavaa o faiaoga o loo taitaia aoaoga i totonu o aiga

Mai le 2019, o suiga i le faatulagana o fesoasoani tupe mo aoga amata o loo faatino i fale o aiga o le a faavasega i lalo o le faatulagana o fesoasoani tupe e fua i tulaga lelei ma aoga. E tatau i faiaoga uma o loo i totonu o auaunaga o loo faatulaga i tulaga lelei ma aoga ona umia le faailoga Level 3 ECE poo togi fataulia e maua ai le faailoga Level 4 ECE.

O lea suiga e iu ai lava ina faamalosia faiaoga i totonu o aoga amata o loo fatino i fale o aiga ona umia, pe auai i aoaoga, e maua ai le faailoga Level 4 ECE, poo le Te Ara Tuarua, poo se faailoga maualuga ECE poo le faailoga kōhangā reo.

O le a amanaiaina faiaoga o loo umia faailoga Level 3 ECE i le taimi nei o se faailoga e tutusa lelei ma le faailoga Level 4 ECE.

3.3 Tapena se taiala e maua mai ai faiaoga mo aoaga amata ma e felatai ma le taiala aoao mo tagata faigaluega i totonu o aoga

O le isi vaega o le taiala e maua ai tagata faigaluega, o le lagolagoina o faiaoga e agavaa e toe foi e faigaluega i aoga amata, atiae faiga e sii ai le numera o faiaoga e agavaa e galulue i aoga amata, ma uunaia faiaoga Niu Sila e agavaa i aoga amata o loo aumau i atunu mamao e toe foi mai e tautua i le atunu.

O le a iai sikolasipi ma fesoasoani tupe eseese e fesoasoani ia i latou e le o iai ni faailoga o loo faigaluega i totonu o aoga amata e maua ai faailoga ITE ma fesoasoani e patino lava i le faaulufaleina o tagata Māori ma tagata Pasifika.

E fesoasoani le sii o totogi ma faaleleia tulaga tau i le galuega (galuega faatino 3.4) ma vaevaega e fetaui lelei i le tagata matua:tamaitiiti (galuega faatino 1.1) e tosina ma tamau ai i faiaoga.

3.4 Faataunu se faiga e faaleleia ai tulaga tutusa o totogi o faiaoga ma le siosiomaga i totonu o aoga amata uma

O le a saunia e le Matagaluega se faiga e faalauiloa ai totogi maua mo faiaoga e faatuatuaina ma lelei ma tulaga tau i le galuega i totonu o aoga amata. E ono moomia ai suiga i le faiga faavae mo fesoasoani tupe i aoga amata ma o le a aofia ai le faasolo o le faatinoga o suiga e mautinoa ai le faatumauina o faiga.

⁴ E faatatau le galuega faatino lea i auaunaga e patino lava i aoga amata ma e le faatatau i auaunaga o loo faia i totonu o falemai poo le fale.

3.5 Faaleleia le initial teacher education (ITE) e mautinoai o loo agavaa faiaoga e faatinoi tuuafaatasia o mataupu aoaoina ma isi tomai faapitoa

Ua maea ona iloilo e le Teaching Council of Aotearoa (Teaching Council) le ITE ma saunia aiaiga fou e atagia ai suiga i faamoemoega ua iai nei. O nei suiga o le a fesoasoani e faamautinoai o loo iai alafua tau aoaoga e mafai ona fetuutuunai ma ua lava sauni i latou ua faauu ma faailoga ITE e avea ma faiaoga ma faaauau auaunaga e mafai ai ona avea ma faiaoga ua faamauina. E tatau foi i auaunaga o loo aoaoina ITE ona saunia polokalame ITE e auala atu i paaga faatuatuaina ma afioaga, e aofia ai iwi ma aoga.

O le a galulue faatasi le Matagaluega, ERO ma le Teaching Council e atiae faiga e fua i ai le lelei o lea galuega faatino, ma iloilo suiga i le taimi atoa o le fuafuaga lenei.

3.6 Atiae se taiāla mautu toe faatumauina mo le atinaega o aoaoga faapolofesa (PLD)

E fesoasoani PLD e faatumauina ma faamalosia ai faiga o loo aoga i le ola aoaoina ma le soifua manuia o tamaiti. O le a faailoa e le Matagaluega se polokalame aoao e mautu toe talafeagai mo le PLD e fesoasoani lea i se ata faataatia ma le faatinoga o mataupu aoaoina i totolu o aoga i lalo o le auivi o le *Te Whāriki*. O PLD uma e aofia ai faiga e amanaia ai faasinomaga, gagana ma aganuu, ma le aofia o tamaiti e iai manaoga faapitoa poo manaoga e fesoasoani ai i taumafaiga i aoaoga.

O le a faavae foi se polokalame aoao mo PLD e atiae ai agavaa o faiaoga e avea ma taitai ma faiaoga i galuega e avea ai ma taitai.

3.7 Atiae nofoaga faapitoa mo faiga fou ma suesuega mo auaunaga i totolu o aoga amata

O le a faakonekarate e le Malo le atinaega o nofoaga faapitoa mo faiga fou ma suesuega e uunaia ai faiaoga i aoga amata ma auaunaga e maua ai tomai i faiva eseese, paaga ma punaoa. O le a mafai ona maua nofoaga faapitoa nei i le initaneti e faaititia ai faiga o loo punitia ai le auai, ma o le a faavae i se faiga e faamalosia ai le galulue soosoo tauau o soo se auaunaga ma soo se aoga amata.

O loo faamoemoe le maua o auga tonu e faatino ai suesuega poo faiga fou mai faiaoga, afioaga, auaunaga mo aoga amata ma faiga o loo faamuamua e le malo. O le a mafai ona iloilo e le Matagaluega auala mo le atinaega o nei nofoaga faapitoa i le maea ai ona aloaia o le Tomorrow's Schools Review ma isi suiga o loo faia i le taimi nei i aoaoga.

3.8 Lagolago aoga amata e auai o se paaga tutusa i soo se auaunaga ma soo se aoga amata

E taua le galulue soosoo tauau e faasoa ai faiga lelei, ma e fesoasoani le galulue soosoo tauau o auaunaga mo aoga amata ma aoga i suiga lelei e maua e tamaiti. E faaauau pea le fesoasoani a le Matagaluega i faiga o loo galulue soosoo tauau ai soo se aoga amata e auala atu i polokalame e pei o le Communities of Learning | Kāhui Ako, ma saili nisi auala e faasoa ai aoaoga i le va o auaunaga ma faavae faiga e fesootai lelei ai.

O nisi galuega faatino o loo i le fuafuaga lenei o loo lagolagoina faiga e galulue soosoo tauau ai e aofia ai le faavae o nofoaga faapitoa mo faiga fou ma suesuega (galuega faatino 3.7) ma lagolago pulega i auaunaga laiti (galuega faatino 5.4).

3.9 Lagolago le aufaigaluega e faaaoga le te reo Māori i auaunaga uma mo aoga amata

O loo folasia i le *Te Whāriki* faamoemoega ia faaaoga e auaunaga uma mo aoga amata le te reo ma le tikanga Māori i mataupu aoaoina ma ia maua e Māori le fiafia i faamanuiaga tau aoaoga o ia o se tagata Māori.

O faiga e lagolago ma faamalosia ai auaunaga o loo faaaogaina ai gagana Māori, ma faalautele le faaaogaina o le te reo Māori i auaunaga uma mo aoga amata, o loo manatu le Matagaluega e iloilo le faataunuina o le PLD o loo iai i le taimi nei (galuega faatino 3.6) ina ia mautinoai o loo malosi le taulai o faamoemoega i faiga faapaaga ma mana whenua i le faavaeina o se ata faataatia mo PLD taitasi. O le a lagolagoina foi PLD i le faataunuina ai o le *Te Ahu o te Reo Māori* – o se faiga na faavae e le PLD e atiae ma faamalosia ai le faaaogaina o le te reo Māori i nofoaga tau aoaoga.

E fesoasoani aiaiga fou ua faavae e le Teaching Council e faaaoga ai le te reo Māori i totonu o auauanga uma mo aoga amata. Mo se faataitaiga, o le a suesue tamaiti aoga o loo aoaoina i polokalame ITE o loo faatautaia i le Gagana Peretania i le lelei ma le agavaa i le te reo Māori.

Sini autu 4. E atiae e tamaiti tomai o loo faatauaina e aiga ma afioaga ma o loo lagolagoina a latou taumafaiga e maua ai le poto ma le talitonuga o le tamaitiiti aoga ia te ia lava

4.1 Faasalalau aloaia le auivi mo mataupu aoaoina, Te Whāriki, e lagolagoina ai le aofia o faiga faavae, vaega, sini autu ma taunuuga pe a tuufaatasia mataupu aoaoina mo aoga amata taitasi

E faavae le Te Whāriki i aga tausili, vaega, sini autu ma taunuuga tau aoaoga. E tofū lava vaega nei e fa o le Te Whāriki⁵ ma matafaioi eseese mo le lelei atoatoa o le faatinoga o mataupu aoaoina. I totonu o auauanga mo aoga amata o loo iai i se tulaga mauluga le lelei, o loo fesootai faiaoga ma le auivi atoa a o faatino mataupu aoaoina i aoga taitasi ma o loo atagia mai ai aoaoga o loo faatauaina e tamaiti, aiga ma afioaga.

O le auivi faatulafonoina o loo iai i le taimi nei o loo aofia ai vaega nei:

- » o aga tausili – faamautuina le malosi | whakamana, atiae faiga e fesootai | kotahitanga, aiga ma nuu | whānau tangata, ma fesootaiga | ngā hononga, ma
- » o vaega – soifua manuia | mana atua, tulaga fetau i se nofoaga | mana whenua, fai sou sao | mana tangata, fesootaiga | mana reo, filiga e suesue | mana aotūroa.

O loo fuafua o le 2020 o le a faasalalau aloaia ai sini autu ma taunuuga mo aoaoga a le Te Whāriki⁶ o se vaega o le auivi lenei mo mataupu aoaoina. E tauaofia vaega uma nei e fa a le Te Whāriki i totonu o le auivi faatulafonoina e faamalamalama ai tulaga ma matafaioi e lagolagoina ai le ata faataatia mo mataupu aoaoina.

4.2 Atiae faatasi auala eseese e aoga, faatuatuaina, talafeagai ma faiga ma gagana eseese e lagolagoina ai taumafaiga a le tamaitiiti ma faiga e aoao ai

Tutusa le agai i luma o taumafaiga a tamaiti i auala e tutusa ma eseese ai, ma atiae e le tamaitiiti alafua e fetau i mo lona aoaoina. Faatupulaia foi le agavaa i tamaiti e iloilo ai a latou taumafaiga ma fai lava e i latou sini autu mo i latou lava. Mataala faiaoga i taumafaiga nei e iloa ai auala e mafai ai ona loloto pe faamalosia ai aoaoga a tamaiti. O le a mataituina foi e faiaoga faiga o loo aoao ai ma saili auala e faaleleia ai.

I se taimi lata mai e oo i taimi i tua atu, o le a galulue soosoo tauau le Matagaluega ma i latou o loo faia suesuega faapitoa i aoga amata e atiae metotia ma faiga e iloilo totoa ai faiga o loo aoao ai e tusa ai ma le auivi o loo faataatia i le Te Whāriki, ma faaaoga molimau faamaonia mai suesuega i totonu o le atunuu ma atunuu i fafo. E tatau ia i latou o loo faia suesuega faapitoa ona iai le tomai faapitoa i faiva eseese e faatino ai suesuega, e aofia ai kaupapa Māori ma faiga faa-Pasifika, e mautinoa ai o loo faaaoga faiga e lelei ma aoga, faatuatuaina, talafeagai ma tu ma aga eseese ma gagana.

4.3 Lagolago auauanga ia faatino suesuega maumaututu i totonu o aoga amata e faamalosia ai le faatinoga o le Te Whāriki ma mautinoa o loo faaaau faiga e faaleleia ai

Ua maea ona faia suiga e le ERO i fua e iloa ai tulaga lelei o auauanga mo aoga amata e tusa ai ma iloiloga o loo faia i polokalame faatino atoa ma galuega tau atiae. E taua fua faataatau nei e iloa ai tulaga lelei i suesuega o loo faia i totonu ma fafo atu ma o loo taulai i le faaleleia o tulaga lelei. O nei faiga e maua mai ai metotia mo auauanga e iloilo ai le faatinoga o a latou galuega ma atiae fuafuaga e faaleleia ai tulaga lelei o loo lagolagoina ai le faatumauina o tulaga lelei.

⁵ Te Whāriki: He whāriki mātauranga mō ngā mokopuna o Aotearoa.

⁶ Faasino lea i le Te Whāriki: He whāriki mātauranga mō ngā mokopuna o Aotearoa.

Sini autu 5. la avea aoga amata ma vaega o se faiga faavae e maopoopo ma talafeagai ma o se faiga o loo lagolagoina, faatuatuaaina ma faatumauina

5.1 Faavae se faiga mautu e fesootai ai vaega eseese e faamautinoa ai le maua o aoga amata e tulaga lelei ma aoga, eseese ma faatumauina

E mafai e le Matagaluega ona tuuina mai laisene, mataitu, faatupe ma lagolago auaunaga mo aoga amata, peitai e le mafai ona auai i le faagaioiga o fuafuaga o loo faia ai fesootaiga a vaega o loo tuufaatasia ai aoga amata. E fesoasoani le faagaioi o faiga e pulea ai vaega o loo tuufaatasia ai aoga amata e mautinoa ai o loo maua e tamaiti uma tulaga lelei i nofoaga tau aoaoga mo aoga amata ma foia ai aafiaga e le i mafaufauina i le tele naua o mea ua maua.

O le a faasolo e le Matagaluega faiga e atiae ai matafaioi mo vaega o loo tuufaatasia ai aoga amata. O le a atiae faamatalaga e faatatau i vaega o loo tuufaatasia ai aoga amata e fesoasoani ai i faiuga fai a faalapotopotoga mo le tatalaina o se auaunaga fou. O le a tagai foi le Matagaluega i suiga tau tulafono e mafai ai e vaega o loo tuufaatasia ai aoga amata ona faagaioi galuega ina ia mafai e matua ona maua auaunaga o loo moomia.

O loo faamoemoe le Matagaluega e faatulaga i faiga nei e lua le laiseneina o aoga amata:

- » O le faiga muamua e moomia ai i faalapotopotoga mo aoga amata ona faailoa fuafuaga e faavae pe faatele ai se auaunaga (a o le i umia se fanua poo se fale). E fua le taliaina o le laisene, pe a gafatia e auaunaga ona faatino auaunaga e tusa ai ma manaoga i le taimi nei poo le lumanai, ma e tatau i faalapotopotoga ona faamaonia o loo iai i se tulaga lelei auaunaga o loo faatino i le taimi nei.
- » O le faiga lona lua e faatatau i talosaga mo se laisene atoa ma e tatau ona faamautinoa o loo faamalieina tulaga faatulafonoina ma isi aiaiga mo laisene.

5.2 Saili auala e mafai ona tuuina atu ai fesoasoani i afioaga e le o lava le lagolagosua o loo latou mauaina

Mo le faalauteleina o matafaioi a vaega o loo tuufaatasia ai aoga amata, o le a suesue e le Matagaluega auala eseese e mautinoa ai o loo maua e tamaiti mai afioaga e le o atoatoa fesoasoani o loo maua ai, avanoa e maua ai auaunaga mo aoga amata e tulaga lelei ma o loo lagolagoina ai lo latou faasinomaga, gagana ma aganuu. O le faavaeina o auaunaga e umia e le malo, e pei ona faatuina i totonus o le fuafuaga faataitai lenei, o se itu o le a tagai i ai i tulaga e talafeagai ai mo afioaga o loo iai tamaiti o loo punitia le maua o auaunaga e fetau tonu ma o latou manaoga. O isi auala e aofia ai fesoasoani tupe e tosina mai ai, ma e faapito lava i faalapotopotoga (tulaga maualuga le lelei), ma tusi talosaga.

5.3 Faaavanoa se nofoaga mo aoga amata i totonus o lotoa a aoga, pe a talafeagai ai

O le maua o auaunaga mo aoga amata i totonus o lotoa a aoga e siitia ai fesootaiga i le va o tamaiti i aoga amata ma a latou aiga, afioaga ma aoga. Pe a tusa ai, o le a taumafai le Matagaluega e faaaoga fanua o loo i ai i lotoa a aoga e faatino ai auaunaga mo aoga amata. E sue e le Matagaluega le fanua ma e i ai le tupe e totogi e lisi ai le fanua. O le a umia e auaunaga mo aoga amata fale ma e gafa ma mea tau fale uma, e aofia ai inisiua ma galuega faaleleia. E ono iai le avanoa i se taimi mamao e faavae ai se tulafono e mafai ai i aoga ona faatautaia auaunaga mo aoga amata.

5.4 Faamalosia pulega ma taitaiga mo gagana Pasifika ma isi auaunaga mo aoga amata i totonus o afioaga

E taua faiga e gafataulimaina ai pulega ma taitaiga e faatumauina ma faatino ai auaunaga mo aoga amata i se tulaga maualuga le lelei. E ono le mafai e auaunaga e fitoitonus lava i afioaga, e tusa ai ma manaoga o afioaga, gagana ma tu ma aganuu, ona maua tomai i pulega ma taitaiga e faagaioi ai auaunaga. O le le faataunuina o fesoasoani o loo moomia, e afaina ai ona le mafai ona faatumauina auaunaga o loo faafoeina lava e afioaga, ma aveesea ai se faiga o loo faataua e matua.

Mo le faaleleia o fesoasoani mo auaunaga o loo faatatau i manaoga o le afioaga, o le a faailoa e le Matagaluega, toe sui faamatalaga i se faiga fou ma faalauiloa faamatalaga o loo maua i le taimi nei, aoaoga e faamasani ai, ma tuuina atu fautuaga tau pulega ma taitaiga i faalapotopotoga faapei o nofoaga tutotonu mo aoga amata.

O le a vaavaai foi le Matagaluega i auala e faatino ai faiga fou i pulega ma taitaiga i totonu o fuafuaga mo vaega tuufaataasi. O le tasi o vaega o lea faiga e aofia ai le suesueina o auala e uunaia ai faiga maumaututu, faapea foi ma le faalauteleina o le faasoaina o faiga o loo lagolagoina ai taitaiga ma pulega atoa ma matafaioi (faataitaiga, vaega e faamaopoopo ai faiaoga malolo, ofisa). O le a patino nisi o galuega e lagolago ai le faatumauina o auaunaga mo aoga amata mo le Pasifika e fesoasoani ai i gagana ma aganuu o loo moomoo i ai matua ma afioaga.

5.5 Faavae se polokalame faatuatuaina ma faamoemoeina e mataitū ma laisene ai aoga amata

E mafai e le Matagaluega ona tuuina mai laisene mo auaunaga mo aoga amata ma le pule faatulafonoina e faamalosia ai tulafono ma faataunu ai suiga e tusa ai ma tulafono, e aofia ai faasea ma suesuega i faalavelave ua tulai mai. E aofia faatasi le Matagaluega ma le ERO i le mataitua o auaunaga mo aoga amata.

O loo faatino e le ERO se faiga e faatatau i aafiaga e iloa ai auaunaga e tatau ona taulai i ai le tele o galuega. O le a saunia e le Matagaluega se polokalame e faatulaga ai asiasiga e patino i auaunaga o loo i se tulaga faaletonu e iloa ai faiga o loo moomia ma faatino galuega e faaitiitia ai le faaletonu.

Ua faatuina se manatu e iloilo ai tulafono e faamalosia ai le pule a le Matagaluega e saili ai talaaga i se auaunaga mo aoga amata ua laiseneina pe a fuafua se faaiuga e talia ai se laisene mo se vaitaimi faataitai, ma e faaleaoga ai se laisene mo se auaunaga ua fai ma masani le faaaoga o laisene mo se vaitaimi le tumau. Ua faatuina foi se manatu, afaei fai se faaiuga e tusa ai ma le tulafono, e tatau i auaunaga ona logo aiga i mafuaaga ua faasala ai ma auala ua faatino e faaleleia ai faaletonu.

5.6 Faaleleia faiga manino i fesoasoani tupe mo matua, aufaigaluega o loo galue faafaiaoga ma le malo

O tulafono ma aiaiga i fesoasoani tupe o le a faamalosia ai auaunaga e faasalalau faamatalaga i le aofai o fesoasoani a le malo e tosina mai ai tamaiti. E fesoasoani faamatalaga nei e faaleleia ai tiutefai i fesoasoani tupe ina ia mautinoa o loo atoatoa faamatalaga o loo maua e matua i le aoga o fesoasoani tupe ia latou fanau.

O le a faamalosia foi faalapotopotoga e saunia lipoti faaletausaga e tuuina atu i le malo i tupe maua ma tupe faaalu a se laisene mo faiga e patino lava i se auaunaga. E fesoasoani lea i faiga manino e iloa ai le faatupega o aoga amata. E fesoasoani foi i Matagaluega e iloa ai auaunga ua afaina.

5.7 Fausia faatasi ma le Playcentre Aotearoa New Zealand se faiga talafeagai mo fesoasoani tupe

O faiga faavae o loo limataitaiina ai Playcentre i totonu o Niu Sila e anagata ona o loo faataua ai matua o faiaoga muamua ma e pito sili ona lelei mo fanau. O loo atiae faatasi i le taimi nei e le Matagaluega se faiga faavae mo fesoasoani tupe faatasi ma le Playcentre Aotearoa New Zealand ma vaavaai i failogia e tatau ona i ai e ogatasi ma faiga faavae a le faalapotopotoga e faagaioi ai galuega faatino.

Faapefea ona mataitu ma suesue le agai i luma o taumafaiga?

O le a galulue faatasi le Matagaluega ma le ERO e mataitu ma suesue aafiaga o galuega faatino o le fuafuaga lenei. E muamua lava ona faataatia faiga e foia ai faaletonu i se alafua e manino ma talafeagai ma faamautinoa o loo i ai se faavae mautu e fua i ai le aoga o suiga o loo fai.

O le a mafaufau le Matagaluega ma le ERO i atinae tetele i faatulagana fou poo fea lava o loo misi ai lea fua faatatau. O le a saunia foi tulaga maualuga e fua i ai suesuega faatasi ma fuafuaga e foia ai faaletonu i se alafua e manino ma talafeagai ma suesue ai.

Toe silasila i fuafuaga mo galuega faatino

Sini autu 1	Sini autu 2	Sini autu 3	Sini autu 4	Sini autu 5	O vaega talafeagai o le Government's Education Work Programme i fuafuaga mo galuega faatino i aoga amata e aofia ai:
Sini autu mo aoaoga mo le 10 tausaga					
Faamuamua tamaiti aoga ma a latou aiga	Maua gofie avanoa	Aoaoga ma taitaiga lelei ma aoga	Aoaoga ma galuega i le lumanai	Tulaga maoae i le lalolagi aoaoga a le malo i faiga eseese	
Faamuamua tamaiti aoga ma o latou aiga i aoaoga	E faigofie ona maua e tamaiti aoga uma avanoa maualuga le lelei mo aoaoga atoa ai ma taunuuga	E iloga suiga lelei mai aoaoga e lelei ma aoga atoa ai ma taitaiga lelei mo tamaiti aoga ma o latou aiga	Aoaoga e talafeagai ma le soifuaga o tagatanuu o Niu Sila i le taimi nei ma lo latou soifuaga atoa	E faatuatuaina ma faatumauina aoaoga i totonu o Niu Sila	
Sini autu o fuafuaga mo galuega faatino i aoga amata					
E maua e tamaiti ma aiga siosiomaga o loo faalauiloa ai le soifua manua ma lagolagoina ai faasinomaga, gagana ma aganuu.	E mafai e tamaiti uma ona auai i aoaoga e tulaga lelei ma aoga ma maua le fesoasoani o moomia e aoao ma maua ai le soifua lelei.	E agavaa, eseese, toe agavaa i tu ma aga eseese faiaoga ma taitai ma o loo faatauaina foi i latou.	E atiae e tamaiti tomai o loo faatauaina e aiga ma afioaga ma o loo lagolagoina a latou taumafaiga e maua ai le poto ma le talitonuga o le tamaitiiti aoga ia te ia lava.	Ia avea aoga amata ma vaega o se faiga faavae e maopoopo ma talafeagai ma o se faiga o loo lagolagoina, faatuatuaina ma faatumauina.	<ul style="list-style-type: none"> • Education Workforce Strategy • Learning Support Action Plan 2019-25 • Ka Hikitia and Tau Mai Te Reo • Action Plan for Pacific Education • Curriculum, Progress and Achievement programme • National Education and Learning Priorities (NELP)
<ul style="list-style-type: none"> » Faaleleia le vaevaega o tagata matutua ma tamaiti e i lalo o le 3 tausaga le matutua i totonu o aoga amata o loo faafoeina lava e faiaoga. (1.1) » Tatau i faiaoga ona maopoopo le faatinoga o galuega i totonu o vaega ua vaevae i ai tamaiti e maua ai le lagolagosua ma faatumauina ai tausiga lelei, alafua mo aoaoga i gagana eseese, ma suiga malie mo tamaiti ma aiga. (1.2) » Saunia fautuaga mo le aofaiga e tatau ona iai se vaega, auga faavae mo aoga amata ma isi faiga lautele tau siosiomaga, ma auala e mafai ona faaleleia ai tulaga lelei i vaega nei. (1.3) » Faafaigofie ona maua faamatalaga e fesoasoani ai i matua ma aiga i filifiliga fai mo aoaoga ma alafua mo aoaoga e maua ai gagana eseese. (1.4) 	<ul style="list-style-type: none"> » Ilolio faiga sao ma le talafeagai i fesoasoani tupe mo vaega o loo moomia e mautinoia ai o loo faatino le fesoasoani pito sili ona aoga mo tamaiti pe a latou mauaina aoaoga lelei ma aoga i totonu o aoga amata. (2.1) » Saunia fautuaga e faafaigofie ai ona maua fesoasoani tau agafesootai e fesoasoani ai i tamaiti ma a latou aiga e auai i aoga amata ma ia mautinoia o loo manino poo ai tonu e gafa ma le faamaopoopoina o fesoasoani tau aoaoga mo auauanaga i aoga amata taitasi. (2.2) 	<ul style="list-style-type: none"> » Ia 100% le iai o faiga e uunaia ai faiaoga ua agavaa ma le 80% e faatonutonu ai faiaoga ua agavaa i totonu o aoga o loo faafoeina lava e faiaoga, ina ia taunuua ai i le 100% le faatonutonuina o nei faiga atoa. (3.1) » Siitia tulaga aoaoina o faiaoga o loo taitaia aoaoga i totonu o aiga. (3.2) » Tapena se taiala e maua ai faiaoga mo aoga amata ma e felatai ma le taiala aoao mo tagata faigaluega i totonu o aoga. (3.3) » Faataunuu se faiga e faaleleia ai tulaga tutusa o totogi o faiaoga ma le siosiomaga i totonu o aoga amata uma. (3.4) » Faaleleia le Initial Teacher Education e mautinoia ai o loo agavaa faiaoga e faatino faatasi ma isi e iai le tomai faapitoa mataupu aoaoina. (3.5) » Atiae se taiala mautu toe faatumauina mo le atinaega o aoaoga faapolofesa (3.6) » Atiae nofoaga faapitoa mo faiga fou ma suesuega mo auauanaga i totonu o aoga amata. (3.7) » Lagolago aoga amata e auai o se paaga tutusa i soo se galuega fai faatasi ma isi auauanaga ma soo se aoga amata. (3.8) » Lagolago le aufaigaluega e faaaoga te reo Māori i auauanaga uma a aoga amata. (3.9) 	<ul style="list-style-type: none"> » Faasalalau aloaia le auvi mo mataupu aoaoina, <i>Te Whāriki</i>, e lagolagoina ai le aofia o faiga faavae, vaega, sini autu ma taunuuga pe a tuufatasia mataupu aoaoina mo aoga amata taitasi. (4.1) » Atiae faatasi auala eseese e aoga, faatuatuaina, talafeagai ma faiga ma gagana eseese e lagolagoina ai taumafaiga a le tamaitiiti ma faiga e aoao ai. (4.2) » Lagolago auauanaga ia faatino suesuega maumaututu i totonu o aoga amata e faamalosia ai le faatinoga o le <i>Te Whāriki</i> ma mautinoia o loo faaauau faiga e faaleleia ai. (4.3) 	<ul style="list-style-type: none"> » Faavae se faiga mautu e fesootai ai vaega eseese e faamautinoia ai le maua o aoga amata e tulaga lelei ma aoga, eseese ma faatumauina (5.1) » Saili auala e mafai ona tuuina atu ai fesoasoani i afioaga e le o lava le lagolagosua o loo latou mauaina. (5.2) » Faaavanoa se nofoaga mo aoga amata i totonu o lotoa a aoga, pe a talafeagai ai. (5.3) » Faamalosia pulega ma taitaiga mo gagana Pasifika ma isi auauanaga mo aoga amata i totonu o afioaga. (5.4) » Faavae se polokalame faatuatuaina ma faamoemoeina e mataitui ma laisene ai aoga amata (5.5) » Faaleleia faiga manino i fesoasoani tupe mo matua, aufaigaluega o loo galulue faafainaoga ma le malo. (5.6) » Fausia faatasi ma le Playcentre Aotearoa New Zealand se faiga talafeagai mo fesoasoani tupe. (5.7) 	